



Ֆինն նշանավոր փիլիսոփա Իլկա Նիինիլուտտոն ծնվել 1946 թ.։ Չնայած երիտասարդ հասակին, նա մի շարք աշխատությունների հեղինակ է, որոնք հայտնի են ինչպես Ֆինլանդիայի, այնպես էլ այլ երկրների փիլիսոփայական շրջաններում։ Այդ աշխատություններից հատկապես պետք է նշել «Տեսական հասկացությունները և հիպոթետիկ-ինդուկտիվ եզրահանգումները» գիրքը, որը գրված է Ռ. Տոմելայի հեղինակակցությամբ և հրատարակված 1973 թ., «Արդյո՞ք դիտությունը առաջադիմական է» (1984 թ.) ուսումնասիրությունը և տրամաբանության ու փիլիսոփայության մի շարք դասագրքեր և այդ պորբլեմներին նվիրված բազմաթիվ հոդվածներ։ Պրոֆ. Նիինիլուտտոն ակտիվ

գործիչ է փիլիսոփայության բնագավառում։ Նա Հելսինկիի համալսարանի տեսական փիլիսոփայության ամբիոնի վարիչն է, Ֆիննական փիլիսոփայական ընկերության նախագահը, «Acta Philosophica Fennica» ամսագրի խմբագիրը։ Նա ակտիվորեն մասնակցում է միջազգային փիլիսոփայական կյանքին։ Նա փիլիսոփայական մի շարք կազմակերպությունների, այդ թվում նաև Սիմվոլիկ տրամաբանության ասոցիացիայի, Գիտության փիլիսոփայության բրիտանական ընկերության անդամ է, եղել է նաև Հռլանդիայում հրատարակվող «Synthese» ամսագրի խմբագիրը 1977—1979 թթ.։

Ստորև հրատարակվող հոդվածում ուրվագծված են ժամանակակից Ֆիննական փիլիսոփայության վիճակը, այն հիմնական փիլիսոփայական ու տրամաբանական պրոբլեմները, որոնք հետազոտվում են այսօր Ֆինլանդիայում։

ԻԼԿԱ ՆԻԻՆԻԼՈՒՏՏՈ

(Հելսինկիի համալսարան)

ՓԻԼԻՍՈՓԱՅՈՒԹՅՈՒՆԸ ՖԻՆԼԱՆԴԻԱՅՈՒՄ

Երբ 1640 թ. հիմնադրվեց առաջին ֆիննական համալսարանը Տուրկուում, փիլիսոփայությանը հատկացվեց պատշաճ ուշադրություն, բացվեց փիլիսոփայության երկու ամբիոն՝ տեսական փիլիսոփայության, որի անդամները դասավանդում էին տրամաբանություն ու մետաֆիզիկա, և գործնական փիլիսոփայության, որն ընդգրկում էր բարոյականությունը և քաղաքականությունը։ Այդ ժամանակից փիլիսոփայությունը վարեոր

դեր է խաղացել Ֆինլանդիայի մշակութային կյանքում՝ հասնելով իր գաղափրականության XIX դարի ազգային շարժման մեջ, ինչպես նաև մեր դարում, ֆիննական անկախ պետության բարձր հարգանքի արժանացած ակադեմիական կյանքի շրջանակներում:

Ֆիննական փիլիսոփաները, մարդու ռացիոնալ և վերլուծական կարողությունների հանդեպ ունեցած հարգելից ուշադրության շնորհիվ, իրենց առավել նշանավոր ներմոծումը համաշխարհային փիլիսոփայական դանձարանում կատարել են տրամաբանության, իմացաբանության, գործողության տեսության և գիտության փիլիսոփայության բնագավառներում: Նոր սերունդը շարունակում է այս ավանդույթը՝ հետազոտելով ժամանակակից այնպիսի կարևոր բնագավառներ, ինչպիսիք են տեխնիկայի, իշխանության, կանանց ազատագրման շարժման և սիրո փիլիսոփայական պրոբլեմները:

ԻՆԵՍԻԹՄ ԵՎ ՆԱՏՈՒՐԱԼԻՉՄ

Փիլիսոփա, լրագրող, համալսարանի պրոֆեսոր և պետական գործիչ Յոհան Վիլհելմ Սնեկմանը (1806—1881) համարվում է Ֆինլանդիայի «ազգային փիլիսոփան»: Սնեկմանը պատկանում էր հեգելյան դպրոցի «չափավոր ձախերին»: Նա հաջողությամբ կիրառեց մշտապես զարգացող «բացարձակ ոգու» կոնցեպցիան ոգու մասնավոր դրսևորման՝ «ազգային ոգու» նկատմամբ, որն իր արտահայտությունն է գտնում ազգերի, նրանց լեզվի և գրականության մեջ: Նա դարձավ XIX դարի ազգային շարժման գլխավոր գաղափարախոսը և տեսաբանը, շարժում, որի արդյունքը եղավ 1917 թ. ֆիննական անկախ պետությունը:

Սնեկմանը և նրա հետևորդների մեծամասնությունը պատկանում էին գերմանական իդեալիզմի տիրապետող ուղղությանը, իսկ փիլիսոփայական մատերիալիզմի միակ շատագույն Վիլհելմ Բոլինը էր (1835—1924)՝ Լյուդվիգ Ֆոյերբախի բարեկամը և նրա գրական ժառանգության կտակատարը: Բոլինը, որի հիմնական աշխատությունը գրված էր Սպինոզայի ոգով և նվիրված էր կամքի ազատության պրոբլեմին, այդպես էլ չկարողացավ ստանալ Սնեկմանից հետո նրա փիլիսոփայության ամբիոնը և աշխատեց որպես գրադարանավար Հելսինկիի համալսարանում (որը 1927 թ. Տուրկուից տեղափոխվել էր երկրի նոր մայրաքաղաքը):

Նատուրալիզմի և էմպիրիզմի անգլո-սաքսոնական ավանդույթը ներկայացված է էդվարդ Վեստերմարկի (1862—1939) աշխատություններում, որն, ի դեպ, 1907 թ. մինչև 1930 թ. վարել է Լոնդոնի հայտնի Տնտեսագիտական դպրոցի սոցիոլոգիայի պրոֆեսորի պաշտոնը: Ամուս-

նության ու բարոյական գաղափարների պատմութիւնը նվիրւած «Մարդու ամուսնութեան պատմութիւնը» (1891) և «Բարոյական գաղափարների առաջացումն ու զարգացումը» (1906—1908) իր դասական հետազոտութիւնների շնորհիվ Վեստերմարկը դարձավ սոցիալական մարդաբանութեան հիմնադիրներից մեկը: Վերջերս նորից նկատւում է հետաքրքրութիւն բարոյականութեան և հավատի հարցերին նվիրւած նրա փիլիսոփայական գործերի նկատմամբ, մի բան, որի մասին վկայում են «էդւարդ Վեստերմարկ. նրա կյանքը և գիտական ժառանգութիւնը» աշխատութիւնների ժողովածու (խմբագիր Տիմոթի Ստրոուպ, Acta Philosophica Fennica, 1982), ինչպես նաև «Քրիստոնեականութիւնը և բարոյականութիւնը» (1930) հակակղերական լուսավորչական մտքի գլուխգործոցի առաջին ֆիններեն հրատարակումը (Օտտավա, 1984):

Ֆիննական փիլիսոփայական կյանքի երեսնական-հիսնական թվականների ամենանշանավոր դեմքը Հելսինկիի համալսարանի տեսական փիլիսոփայութեան ամբիոնի պրոֆեսոր էլնո Կալլան էր (1890—1958), որը 1948 թ. դարձավ ֆինլանդիայի ակադեմիայի տասներկու անդամներից մեկը: Էսթետ և բնութեան ռոմանտիկ փիլիսոփա Կալլան հետադաշում անդրադարձավ ճշգրիտ իմացաբանութեանը և բնագիտութեան փիլիսոփայութեանը՝ աշխարհի «հոլիստական» պատկեր ստեղծելու նպատակով: Կալլայի այս վիթխարի ծրագիրը մնաց անավարտ, բայց նա մեծ հաջողությամբ կարողացավ ֆիննական հասարակայնութեանը ծանոթացնել փորձնական հոգեբանութեանը, գեշտալտ հոգեբանութեանը, սիմվոլիկ տրամաբանութեանը, տրամաբանական էմպիրիզմին և գիտութեան ժամանակակից փիլիսոփայութեանը: Նրա անհատականութեան հրմայքը և պերճախոս ու գրավիչ դասախոսութիւններն ու գրքերը հսկայական ազդեցութիւն ունեցան հոմանիտար և բնական գիտութիւնների ներկայացուցիչների մի ամբողջ սերնդի վրա: Կալլայի գործերը հրատարակվել են ֆիններեն, շվեդերեն և գերմաներեն: Իրականութեան գաղափարին և զգայական ընկալման բնույթին նվիրւած նրա շորս կարևորագույն հետազոտութիւնները 1979 թ. թարգմանվել են անգլերեն «Իրականութիւնը և փորձը» վերնագրով՝ Վիեննայի խմբակի աշխատութիւնների ժողովածուների մատենաշարով (D. Reidel Press):

ՊԱՐՏԱՎՈՐՈՒԹՅՈՒՆ ԵՎ ԳՈՐԾՈՂՈՒԹՅՈՒՆ

Կալլայի՝ որպէս Ֆինլանդիայի ակադեմիայում փիլիսոփայութեան ներկայացուցչի դիրքը 1961 թ. ժառանգեց Գեորգ Հենրիկ ֆոն Ռայտը (ծնվել է 1916 թ.): Հավանականութեան և ինդուկտիվ տրամաբանութեան

հարցերի վերաբերյալ վաղ շրջանի իր հետազոտությունները ֆոն Ռայտը կատարել է Կայսայի ազդեցության տակ, բայց նա կրել է նաև Լյուդվիգ Վիտգենշտայնի աշխատությունների ազդեցությունը:

Վիտգենշտայնի մահից հետո ֆոն Ռայտը փոխարինեց նրան Քեմբրիջում՝ դասավանդելով այնտեղ 1948—1951 թթ.: Ֆոն Ռայտը ավատորիացի մեծ փիլիսոփայի ժառանգության հրատարակության երեք խումբագիրներից մեկն է: Եվ բնական է, որ ֆոն Ռայտի վաթսուամյակին նվիրված գիտական աշխատությունների միջազգային ժողովածուն կրում է «Վիտգենշտայնյան հետազոտություններ» ի պատիվ Գ. Հ. ֆոն Ռայտի» խորագիրը (Acta Philosophica Fennica, 1977):

Ֆոն Ռայտի ամենամեծ միջազգային ճանաչումը կապված է նրա՝ որպես դեոնտիկ տրամաբանության հիմնադրի համբավի հետ: Դեոնտիկ տրամաբանության առարկան են կազմում պարտավորության («պարտադիր է, որ տեղի ունենա...») և թույլտվության («թույլ է տրվում, որ տեղի ունենա...») մոդալություններ պարունակող արտահայտությունները: 1951 թ. սկսած նա իր գաղափարները զարգացնում է գործողության տեսության կապակցությամբ: Նրա երկու գլխավոր աշխատությունները՝ «Նորմա և գործողություն» և «Բարության տեսակները» լույս տեսան 1961 թ., իսկ փիլիսոփայական տրամաբանությանը վերաբերող «Ընտիր երկերը» հրատարակվեցին Բեկվելի կողմից 1984 թ.: Ֆոն Ռայտի ազդեցությունն ակնհայտ է Սկանդինավիայում նորմաների տրամաբանության բնագավառում Ռիստո Հիլպինենի (ծն. 1943 թ.) և ուրիշների կատարած հետազոտություններում, ինչպես նաև Աուլիս Աաունոյի (ծն. 1937 թ.) իրավաբանական փաստարկմանն ու իրավունքի փիլիսոփայությանը նվիրված աշխատություններում:

Ֆոն Ռայտն իր «Բացատրություն և հասկացում» (Կոռնելի համալսարանի հրատարակչություն, 1971) գրքում պաշտպանում է հումանիտար և բնական գիտությունների միջև տարբերության կարևոր նշանակության «հակապոզիտիվիստական» գաղափարը: Նա գտնում է, որ կամային գործողությունների հասկացումը տարբերվում է բնության երևույթների պատճառական բացատրությունից: Այս հարցերի շուրջը բանավեճը շարունակվել է Ռայմո Տուոմելայի «Մարդկային գործողությունը և նրա բացատրությունը» (D. Reidel, 1977) գրքում: Հակադրվելով ֆոն Ռայտին՝ Տուոմելան պաշտպանում է այն տեսակետը, որ մարդկային գործողությունները նույնպես կարող են ստանալ պատճառական բացատրություն, եթե հաշվի առնվեն մարդկանց պահանջմունքները և մտադրությունները: Այս պրոբլեմի վերաբերյալ ֆոն Ռայտի ամենավերջին տեսակետը ներկայացված է նրա «Ազատություն և գետնիմաստի» աշխա-

տությունում (Acta Philosophica Fennica, 1980), Ինգմար Պյոռնի (ծն. 1935 թ.). «գործողության տեսությունը և սոցիոլոգիական գիտությունները» (D. Reidel, 1977) և Տուոմելայի «Սոցիալական գործողության տեսություն» (D. Reidel, 1984) գրքերում գործողության դասական տեսությունը տարածվել է սոցիալական գործողության պրոբլեմների վրա:

ՓԻԼՍՈՓԱՏԱԿԱՆ ՎԵՐԼՈՒՄՈՒԹՅՈՒՆ

Ֆոն Ռայտից բացի Կալլայի ամենաազդեցիկ աշակերտներից են էրիկ Ստենիուսը (ծն. 1911 թ.) և Օյվա Կետոնենը (ծն. 1913 թ.): Երկուսն էլ լրջորեն զբաղվել են մաթեմատիկական տրամաբանությամբ և բնական գիտություններով: Տրամաբանության, իմացաբանության և լեզվի փիլիսոփայության վերաբերյալ Ստենիուսի աշխատությունները, որոնք տեղ են գտել «Վիտգենշտայնի Տրակտատը» (Blackwell, 1960) գրքում և ի մի բերվել «Քննադատական հետազոտություններում» (Acta Philosophica Fennica, 1972), վերլուծական փիլիսոփայությունը ներկայացնում են նրա ամենախիստ և ստույգ ձևով: Ստենիուսի հորեկյանի առթիվ «Փիլիսոփայական վերլուծության հետազոտություններ» վերնագրով գիտական աշխատությունների մի ժողովածու է հրատարակվել Ինգմար Պյոռնի խմբագրությամբ (Acta Philosophica Fennica, 1981):

Կետոնենը, որը փոխարինել է Կալլային Հելսինկիում, իր վաղ շրջանի հետազոտությունները կատարել է մաթեմատիկական տրամաբանության և գիտության պատմության ու փիլիսոփայության բնագավառում: Նրա աշխատությունների վերջին երկու՝ «Սահմանի մասին» (Օտտավա, 1980) և «Մարդ լինելու մասին» (Օտտավա, 1981) ժողովածուներում քննարկվում են մի շարք պրոբլեմներ, այդ թվում՝ գիտության բարոյագիտությունը, բժշկագիտության փիլիսոփայությունը, հոգեբուժության բնույթը, մարդու կոչումը:

ՀՆԱՐԱՎՈՐ ԱՇԽԱՏՆԵՐ

Յաակո Հինտիկան (ծն. 1929 թ.) ուսանել է Ֆոն Ռայտի մոտ: Նա հասել է մեծ հաջողությունների փիլիսոփայական հետազոտությունների խթանման և կադմակերպման գործում: Հինտիկան վերլուծական ուղղության ամենահայտնի հեղինակություններից մեկն է. տրամաբանությանը և իմացաբանությանը նվիրված նրա աշխատությունները քաջ հայտնի են Կալիֆոռնիայից մինչև Նովոսիբիրսկ: Նա աշխատում է Ֆլորիդայի պետական համալսարանում. Դ. Ռայդել հրատարակչության «Synthese»

ամսագրի և «Synthese գրադարան» մատենաշարի հետ իր համագործակցության շնորհիվ նա աշխարհի ամենաազդեցիկ փիլիսոփա-խմբագիրներից մեկն է:

Հինտիկան մոդալ տրամաբանության համար «հնարավոր աշխարհների» իմաստաբանության և ասույթային դիրքորոշումների տեսության հիմնադիրներից մեկն է: Նրա դասական «Գիտելիք և հավատ» աշխատությունը լույս է տեսել 1962 թ. (Կոռնելի համալսարանի հրատարակչություն), որին հետևեցին «Մոդալականության մոդելները» (1969) և «Խնտենսիոնալության կողմնորոշումները» (1975): Կիրառելով դիստրիբուտիվ նորմալ ձևերի գաղափարը՝ Հինտիկան նկատելի ներդրում վատարեց իմաստաբանական ինֆորմացիայի տեսությունում և ինդուտիվ տրամաբանության բնագավառում: Որոշ չափով վիտգենշտայնի «Լեզվական խաղերի» կոնցեպցիայի ազդեցության շնորհիվ Հինտիկան զարգացրեց նաև բնական լեզվի նոր իմաստաբանական տեսություն, որը նա անվանեց խաղերի տեսության վրա հենվող իմաստաբանություն: Համակցելով իր իմացաբանական տրամաբանությունը և խաղերի տեսության վրա հենվող իմաստաբանությունը՝ Հինտիկան «Հարցերի իմաստաբանություն և իմաստաբանության հարցեր» աշխատությամբ (Acta Philosophica Fennica, 1976) հարցերի տրամաբանության նոր ուղղության հիմքը դրեց: Ներկայումս նա այդ գաղափարները տարածում է երկխոսությունների տրամաբանության վրա, որի վերառման օրինակներ կարող են ծառայել Շերլոկ Հոլմսի տրամաբանությունը և գիտական հայտնագործության տրամաբանությունը:

ԳԻՏԱԿԱՆ ՄԵԹՈԴ

50-ական թվականներին ի վեր, երբ Կալյան ուսումնասիրում էր քվանտային մեխանիկայի հիմունքները, ֆիննական փիլիսոփաները մեծ ուշադրություն դարձրեցին գիտական մեթոդի հետ առնչվող երկու կարևոր պրոբլեմների վրա: Դրանցից մեկը վերաբերում էր սոցիալական և հումանիտար գիտություններում բացատրության բնույթի վերջ հիշատակված հարցին: Մյուսը՝ մասամբ շարունակելով Ֆոն Ռայտի վաղ շրջանի գործերը և մասամբ էլ հենվելով ինդուկտիվ տրամաբանության Կառնապի կոնցեպցիայի Հինտիկայի վերաձևակերպման վրա, գործ ունի հավանականության ու ինդուկտիվ մտահանգումների բնույթի հետ: Ինդուկցիայի ֆիննական դպրոցը Ֆոն Ռայտից ու Հինտիկայից բացի ներկայացնում են Ռիստո Հիլպինենը, Ռայմո Տուոսելան, Յուհան Պիետա-

րինենը (ծն. 1938 թ.), Իլկա Նիինիլուտուն (ծն. 1946 թ.) և Յան Ֆոն Պլատուն (ծն. 1951 թ.):

70-ական թվականներին Տուոմելայի «Տեսական հասկացություններ» (Շպրինգեր հրատարակչություն, 1973) ու Վեյկո Ռանտալայի (ծն. 1938 թ.) «Սահմանելիության հարցեր» (Acta Philosophica Fennica, 1977) գրքերի շնորհիվ հետազոտությունների կենտրոնական թեման դարձավ գիտական տեսությունների կառուցվածքն ու զարգացումը, Այս ժամանակաշրջանում ֆիննական փիլիսոփաները մասնակցեցին գիտելիքի զարգացման և գիտական առաջընթացի հարցերին նվիրված միջազգային բանավեճերին: Նիինիլուտոյի «Առաջադիմում է արդյոք գիտությունը» գրքում (D. Reidel Press, 1984) վերլուծվում են գիտական տեսակետների փոփոխությունները «գիտական ռեալիզմի» ոգով, իսկ Մատի Սինտոնենի (ծն. 1951 թ.) «Գիտական բացատրության պրագմատիկական» մենագրությունը (Acta Philosophica Fennica, 1984) քննարկում է բացատրությունների փաստարկման բնույթը:

ՓԻԼԻՍՈՓԱՑՈՒԹՅԱՆ ՊԱՏՄՈՒԹՅՈՒՆ

Փիլիսոփայության պատմության հետազոտությունները Ֆիլանդիայում լայն տարածում ունեն: Պլատոնին ուսումնասիրել են Յուսի Տենկուն (ծն. 1917 թ.), Հոլգեր Թեսելֆը (ծն. 1924 թ.) և Յաակո Հինտիկան: Լաուրի Ռոոկտիլան (ծն. 1934 թ.) քննարկել է Արիստոտելի մետաֆիզիկան: Արիստոտելյան մոդալականության տեսության Հինտիկայի մեկնաբանությունը, որը ներկայացված է նրա «Ժամանակ և անհրաժեշտություն» (Օքսֆորդի համալսարանի հրատարակչություն, 1973) մենագրությունում, շարունակել է Սիմո Կնուտտիլան (ծն. 1946 թ.)՝ ներառելով արիստոտելյան սխոլաստիցիզմը և նոմինալիստական տրամաբանությունը: Տենկուն վերջերս հրատարակեց «Հին և միջնադարյան բարոյագիտական փիլիսոփայություն» (Gaudeamus, 1981) տեքստերի ժողովածուն:

Կարևոր տեղ են գրավում ժամանակակից տրամաբանության, իմացաբանության և ոգու փիլիսոփայության պատմության հետազոտությունները: Դեկարտին ուսումնասիրել է Լիլի Ալանենը (ծն. 1941 թ.), Լայրենիցին՝ Ռայլի Կաուպին (ծն. 1920 թ.), Կանտին՝ Հինտիկան, Բրեդլին՝ Տիմո Այրակիսինենը (ծն. 1947 թ.), Ֆրեգեին՝ Լեյլա Հապարանտան (ծն. 1954 թ.), Զ. Դ. Բրոուդին՝ Սեպո Կիվինենը (ծն. 1933 թ.), Վիտգենշտայնին՝ Ֆոն Ռայտը, Ստենիզլը, Հինտիկան, Լարս Հերցբերգը (ծն. 1943 թ.), Անդրե Մաուրին (ծն. 1944 թ.) և Հեյկի Նիյմանը (ծն. 1946 թ.):

Վերջերս էսա Սաարինենը (ծն. 1953 թ.) հրատարակեց Սարտրին նվիրված առաջին ֆիննական հետազոտությունը՝ «Սարտր. վախի, զզվանքի և ընտրության փիլիսոփայություն» (Fanzine, 1983): Գործնական փիլիսոփայության պատմությունը ներկայացված է Հոբսին նվիրված Տենկուի հետազոտություններում, Կիերկեգորին նվիրված՝ Հելգե Ուկկուլաի (ծն. 1921 թ.), Մարքսին նվիրված՝ Ռեյո Վիլենիուսի (ծն. 1930 թ.) և Յուհա Մանինենի (ծն. 1945 թ.), Նիցեիին նվիրված՝ Տարմո Կունասի (ծն. 1942 թ.), Գանդիին նվիրված՝ Ունտո Տեհտինենի (ծն. 1927 թ.) աշխատություններում: Վերջին տարիներին ֆիննական փիլիսոփայության պատմության նկատմամբ առաջացած հետաքրքրության մասին են վկայում Մանինենի ու Վիլենիուսի գործերը՝ նվիրված Սենյամանին ու Բոլինին:

ԱՅԼ ՈՒՂՂՈՒԹՅՈՒՆՆԵՐ

Թեև հետպատերազմյան ֆիննական փիլիսոփայության մեջ գերիշխում էր այսպես կոչված վերլուծական փիլիսոփայության ավանդույթը, դեպի փիլիսոփայական տրամաբանությունը, լեզվի փիլիսոփայությունը և գիտության փիլիսոփայությունը նրան բնորոշ հակումով, այնուամենայնիվ դա բոլորովին էլ չի նշանակում, թե ուրիշ ուղղություններն անհայտ էին փիլիսոփայական հասարակայնությանը: Գերմանական իդեալիզմը քննարկվել է Յ. է. Սալոմայի (1891—1960) մի շարք պատմական գործերում, և նրա ազդեցությունը զգացվում է նաև էրիկ Ալմանի (1892—1952) բարոյագիտությանը և փիլիսոփայական մարդաբանությանը վերաբերող գողտրիկ հետազոտություններում: Ֆենոմենոլոգիական փիլիսոփայությունը ոգևորել է Սվեն Կրոնին (ծն. 1903 թ.), որը վերջերս լույս ընծայեց իր փիլիսոփայական հայացքներն ամբողջացնող «Մարդը, բնությունը և լոգոսը» (Gummerus, 1981) մենագրությունը: Հուսեյուի և Հայդեգերի ազդեցությունն է կրել հոգեբան Իյո Ռեննպաան (1894—1976), հոգեբան Լաուրի Ռաուհալան (ծն. 1914 թ.) և մի շարք ավելի երիտասարդ փիլիսոփաներ, որոնք միաժամանակ հետաքրքրվում են ֆենոմենոլոգիայով ու մարքսիստական փիլիսոփայությամբ:

Դիալեկտիկական մատերիալիզմին նվիրված առաջին ակադեմիական փիլիսոփայական դիսերտացիան ներկայացրել է Պերտի Լինդֆորսը (ծն. 1927 թ.): Այնուամենայնիվ կապաժից վեր է, որ ամենահայտնի ֆինները մարքսիզմի պատմության մեջ Օտտո Վիլե Կուուլինենն է (1881—1964), որը Հելսինկիում ուսումնասիրել է գեղագիտություն, 20-ական թվականների սկզբին տեղափոխվել է Սովետական Միություն և

հասել ակադեմիկոսի կոչման, Կառուսիններ «Մարքսիզմ-լենինիզմի հիմունքները» (Մ. 1960) հեղինակավոր ուսումնական ձեռնարկի գլխավոր խմբագիրն է։ Ակադեմիական կոչում շունչոդ, սոցիալիստական կամ կոմունիստական կուսակցությունների հետ կապված մարքսիստական հեղինակներից ամենանշանավորը երևի Տուուրեն Լեհենն էր (1893—1977) իր բանավիճային «Բանվոր դասակարգի աշխարհայացքը» (1950) հայտնի աշխատությունից և Ատոս Վիտաններ (1906—1979)՝ Լենինի մասին գրքի հեղինակը։

Արևմտյան երկրներում զարգացում ստացած մարքսիստական փիլիսոփայական ուղղությունները և ժամանակակից ֆրանսիական փիլիսոփայությունը գրավել են նաև փիլիսոփայական հետաքրքրություններ ունեցող հասարակագետների երիտասարդ սերնդի ուշադրությունը։ Այսպես, Դան Ստեյնբոկի (ծն. 1954 թ.) գրքերում զգացվում է ֆրանկֆուրտյան դպրոցի քննադատական տեսության և ֆրանսիական ստրուկտուրալիզմի ազդեցությունը։

Լինելով փոքր ազգ, ֆինները հնարավորություն չեն ունեցել փիլիսոփայական գիտության առանձին ճյուղերում նեղ մասնագիտացման համար։ Ֆիննական, ակադեմիական փիլիսոփայության լավագույն ներկայացուցիչներն իրենց հետազոտություններում ազատորեն անցել են փիլիսոփայության մի բնագավառից մյուսը։ Օրինակ, Ֆոն Ռայտը Ֆինլանդիայում հայտնի է Դոստոևսկու, Տոլստոյի, հումանիզմի, տեխնիցիզմի վտանգի մասին իր աշխատություններով, ժամանակակից իրավիճակին հատուկ են տարբեր ուղղությունների հետաքրքրական խառնուրդը և նախկինում մեկուսացած փիլիսոփայական դպրոցների միջև կապեր հաստատելու փորձերը։ Եվրոպական «մայրցամաքային» փիլիսոփայությունը և անգլիական վերլուծական փիլիսոփայությունը միաձուլվել են Ֆոն Ռայտի «Վերլուծական հերմենևտիկայի» և Հինտիկայի կողմից առաջ քաշված՝ Կանտի ու Հուսեռլի ուսմունքների մեկնություններում։ Հելսինկիում 1984 թ. կայացած Հեգելյան միջազգային կոնգրեսը ցուցադրեց, որ դիալեկտիկական և վերլուծական ուղղությունները կարող են աղերսներ ունենալ և գոնե մասամբ փոխադարձաբար թարգմանել իրենց հատուկ փիլիսոփայական ընդունների «բարբառային» արտահայտությունները։

ՆՈՐ ՈՒՂՂՈՒԹՅՈՒՆՆԵՐ

Այսօր փիլիսոփայության ամբիոններ ունեն Հելսինկիի (4 ամբիոն) Տուրկուի (2), Տամպերեի (2), Յիվասկիլայի (1) համալսարանները և Աբոյի Ակադեմիան (1)։ Մասնագետ փիլիսոփաների «ընկերակցության»

մեջ են մտնում նաև Ֆինլանդիայի ակադեմիայի մի շարք դասախոսներ, ասիատենտներ և ոչ մշտական հետազոտողներ: Ի տարբերություն որոշ այլ երկրների, ֆիննական համակարգում փիլիսոփայությունից տարանջատված են այնպիսի հարակից բնագավառները, ինչպիսիք են գաղափարների պատմությունը, գեղագիտությունը, կրոնի փիլիսոփայությունը, ընդհանուր իրավագիտությունը, մաթեմատիկական տրամաբանությունը: Համալսարաններում փիլիսոփայությունը կարելի է ընտրել որպես քննությունների գլխավոր առարկա, բայց փիլիսոփայությունը հանդես է գալիս հաճախ նաև որպես երկրորդ կամ երրորդ քննական առարկա: Այնուհետև, բազմաթիվ ֆակուլտետների «ընդհանուր ուսուցման» ծրագրերում տեղ են հատկացված տարրական տրամաբանությանը, փաստարկման տեսությանը, մեթոդաբանությանը և գիտության փիլիսոփայությանը: Ցավոք, վերջին տասնամյակներում փիլիսոփայությունը միջնակարգ դպրոցներում կորցրել է անցյալում ունեցած իր բարձր դրվածքը:

Համալսարանների հետ իր սերտ կապերով հանդերձ, ֆիննական փիլիսոփայությունը Սենեմանի օրոք ապրած իր ծաղկման ժամանակաշրջանից սկսած մեծ ազդեցություն է գործել նաև գիտական շրջանակներից դուրս, Ֆինլանդիայի երկու պաշտոնական լեզուներով՝ ֆիններենով և շվեդերենով գրված աշխատությունների շնորհիվ, Վեստերմարկի գործերը մտքի ազատության մասին, Կայլալինը՝ սահմանային իրավիճակների վերաբերյալ, Ֆոն Ռայտինը՝ մարդու իրավունքների, Կետոնենինը՝ համալսարանական կրթության, Վիլենիուսինը՝ դպրոցական կրթության վերաբերյալ՝ ահա այսպիսիք են ազդեցության լավագույն օրինակները: Կարծում ենք, որ «մասնակից լինելու» փիլիսոփայության այդ ավանդույթի հիման վրա է ծագել ժամանակակից ակտիվ հետաքրքրությունն այնպիսի լայն բնագավառների հանդեպ, ինչպիսիք են մարդու փիլիսոփայությունը կամ մշակույթի փիլիսոփայությունը:

Ֆինլանդիայի փիլիսոփայական ընկերությունը, որը հիմնել է 1873 թ. Սենեմանին հաջորդած Տիոդոլֆ Ռեյնը, 1980-ական թվականներին կազմակերպեց «մեկ բառի» փիլիսոփայական սեմինարներ Ճշմարտության, Արժեքների, Սիրո, Իրի, Ազատության վերաբերյալ: Արդեն հարցադրումների այս ցուցակը հուշում է, որ ֆիննական փիլիսոփաներն իրենց առջև դնում են երկակի բնույթի խնդիրներ. մի կողմից՝ շարունակել ավանդական փիլիսոփայական բնագավառների մշակումը, մյուս կողմից՝ նվաճել հարցադրումների նոր կարևոր ասպարեզներ:

Հրատապ հասարակական հարցերի հետ առնչվող փիլիսոփայական նոր ուղղության օրինակ կարող է ծառայել տեխնիկայի փիլիսոփայությունը, որը վերջերս քննարկել են Ֆոն Ռայտը, Պիետարինենը և Նիլինի-

ուոտոն: Այդ ուսումնաւարտութիւններէ կենտրոնում են մարդու, տեխնիկայի ու բնութիւն փոխհարաբերութիւնը վերաբերող իմացարանական ու բարոյական հարցերը: Դրանց հետ կապված գիտութիւն բարոյականութիւն հարցերը և պարտադրական սոցիալական կառուցվածքները հետազոտել է Ալրաքսինենը:

Մեկ այլ օրինակ է կանանց ազատագրութիւն հարցի վերաբերյալ էսա Սաարինենի աշխատութիւնը: Սաարինենը իր կրթութիւնը ստացել է տրամաբանութիւն ու լեզվի փիլիսոփայութիւն բնագավառում, բայց լայն հասարակայնութիւնը հայտնի է բազմազան հարցերի՝ սեռաբանութիւնից մինչև ունի, պոեզիա և ամերիկյան ապրելակերպ, մշակութարանական արգասավոր մեկնաբանութիւններով: Նա Սառա Հէյնամայի հետ գրել է «Կինը Էականութիւն տեսակետից» (1983 թ.) գիրքը, որտեղ Սաարինը էկզիստենցիալիզմի տեսակետից սուր քննադատութիւն են ենթարկվում կանանց հարցի էականական մոտեցման սխալ մեկնաբանութիւնները: Սաարինենը Ալանենի ու Նիինիլուոտոյի հետ խմբագրել է «Սիրո փիլիսոփայութիւն» (1948) ժողովածուն, որը պարունակում է ֆիննական քսանմեկ փիլիսոփաների նոր հետազոտութիւնները սիրո բնույթի ու տեսակների վերաբերյալ: